
OFFERYNNAU STATUDOL CYMRU

2015 No. 1992

**Gorchymyn Defaid a Geifr (Cofnodion,
Adnabod a Symud) (Cymru) 2015**

RHAN 11

Anifeiliaid a ddygir i mewn i Gymru

Derbyn anifeiliaid o Loegr, yr Alban, Gogledd Iwerddon neu Diriogaethau Dibynnol y Goron

33. Ni chaiff neb dderbyn anifail o Loegr, yr Alban, Gogledd Iwerddon, Ynysoedd y Sianel neu Ynys Manaw onid yw'r anifail wedi ei adnabod a bod dogfen symud yn dod ynghyd â'r anifail yn unol ag—

- (a) yn achos anifail a anwyd ar ôl 9 Gorffennaf 2005, Rheoliad y Cyngor, gan gynnwys unrhyw randdirymiad a arferwyd o dan Reoliad y Cyngor; neu
- (b) yn achos anifail o Loegr, yr Alban neu Ogledd Iwerddon a anwyd ar neu cyn 9 Gorffennaf 2005, y Gorchymynion blaenorol ac unrhyw ofynion ychwanegol a osodwyd mewn deddfwriaeth sy'n gorfodi Rheoliad y Cyngor mewn perthynas â'r anifeiliaid hynny; neu
- (c) yn achos anifeiliaid o Diriogaethau Dibynnol y Goron a anwyd ar neu cyn 9 Gorffennaf 2005, Cyfarwyddeb y Cyngor [92/102/EEC](#).